

懷遠縣志卷之八

賜同進士出身安徽鳳陽府懷遠縣知縣孫讓修
水利志

懷遠東南地勢右濱淮左距山中不數十里多官塘鳳陽諸山之

水歸上盤塘入境塘在縣東南五十里與鳳陽分界流歸下盤塘在縣東南四十里西大

郭陂塘在縣南二十五里後改爲塘受南山諸水兩盤塘之間有壩曰

龍王壩縣東南四十里壩南有溝設閘曰閘溝水盛至則啟閘泄盤塘之

水由閘溝北行過蓮花池縣東南四十里以歸濠水水小則閉閘使悉由

龍土壩西行查八店之南以歸郭陂塘焉東南之聚落考城縣東

野上窑縣南五里爲大其南鎮鄒山之支也自鳳陽入境其泉澗之

下注者曰泉源塘在考城南馬山下其水四時不涸舊志云明其

懷遠縣志

卷八

水利志

山泉則有天池在中峯頂東珍珠泉出獨山泉亦張果老泉縣南六

山南其水竭堯泉俗各官泉又名木藥泉出木藥山谷俗名饅頭山皆

歸郭陂塘而四顧潭者在上窑山中有石門瀑布潭中心石峭特

爲遊覽之勝非諸泉比郭陂之南有東蕭家湖在石洪

塘在縣南三里石塘縣南二濯浸塘縣南三分受諸山之水以大郭

陂者也郭陂之西有孔册湖縣南二十五里舊志云湖水入淮內

收康熙五十六年知縣劉鑑督民築堤建石斗門以備水患其地

遂成沃壤歲有收成民咸賴之按今湖水如故斗門傾廢已盡無

跡可求惟湖西臨淮岸有高分泄郭陂諸塘之水歸淮其西南有

白龍塘在縣南三里瀦山水以濟郭陂者也郭陂塘舊設斗門

十二以備蓄泄亦曰塘有塘總塘長司其啟閉其後斗門漸圯龍

王壩亦毀壞塘水橫泄明萬曆三十二年知縣王存敬委縣丞許

武城督修之圍堰水門悉堅實水復歸塘四十五年知縣王可舉

又修之諸斗門俱淤廢惟第三斗門石尚完好有萬歷四十五年

運巡撫鳳陽等處戶部尚書兼右副都御史陳欽差提督整飭類

州等處兵備河南提刑按察司副使賈鳳陽府知府王明文詳允

口口郭陂官塘本縣知縣王可舉四川成都府崇慶州人設處錢

糧治農王簿沈雲鸞浙江金華府義烏縣人督理口口義民某某

大明萬曆四十五年

季夏吉且重修立

國朝雍正十年知縣李經又修之復設塘長重修郭陂塘記云懷

遠之南二十里有郭

陂塘馬周廣四十里即晉時鎮城故址後改為塘受南山諸水東

西有十二水門以備蓄泄可灌田數千畝縣之秋糧皆仰給焉年

久修築牢固民得安業近以山水之厄衝塘盡淤平水利頓去漕

米鮮出民病遠糶張太尊捐金首倡募修委前令李經督襄其事

邑之紳士人等咸效典史張嘉椿為監修之官爰于雍正十年二

月動工四月集事後又廣頤四十二畝畝畧名為小塘而郭陂塘之

水利由是復興爰設塘總塘長等稽察可以利賴于永久矣思此

塘之復興皆出於丹徒張太尊念切民依利賴我懷民之至意用

望塘之總甲居民等善為守之日濬益固永守其業母相爭奪以

不負我太尊愛民之德是閭邑之幸也是為記時雍正甲寅仲春

懷遠縣志

卷八

水利志

上流無撰人各後然是時下盤塘已淤廢準領陞科開墾成田矣

其後諸官塘相繼湮淤遂為畜牧之所而龍王壩亦傾頽畧盡其

址石尚多存者乾隆五十九年咸請以壩石建橋而塘側居民又

請修壩俱未就濠水東南來人濠者有楊辣子山水歷山西湖

水入大河煤澗在塗山南麓以地產煤故各一名撤珠澗在縣南五里

漢花家經塗山之陽而入淮塗陽之水半歸濠自黃泥溝花水溝

澗來水溝宗家窪諸水舊志有三注澗一名撤珠澗在縣南五里

水入大河煤澗在塗山南麓以地產煤故各一名撤珠澗在縣南五里

考其西北諸澗自入于淮有上洪下洪李家溝砂礮溝黃家溝三

麓石上刻安邦定國四字按此水歸李家溝又云冷水溝在縣北

南五里水出塗山流入淮按此水歸上洪又云上澗下澗俱在縣

西十五里內水流入淮按此水則匯為化陂縣東三十里舊

界之所廣而蕪馬場相連陂諸湖由席家溝縣東三以達于淮化

陂馬場諸湖及新茅塘在茶菴東縣東南九里塘在縣南中井寺

對諸水今亦蕪廢過半矣塗山西巖有聖泉舊志云一各靈泉西北有麓

玉液泉舊志云有石刻其東南有中井縣東南三十里此井最深

龍形今益上近井口汲水水響值之有聲鏘然可備挹取助觀遊而已舊志尚有稻湖在縣南二十里水

淮劉家塘新官塘俱在縣東南五十里俱無考鎮鄒山之陽其川曰洛洛東

有龍頭壩在縣南七十里大橫山之陽以障鳳陽定遠諸山水之歸洛者也有

磨山水裴家溝其北曰柳陂塘舊志云在大橫山南洛西瀦水之大者曰蔡城

塘大半入壽州其北曰女環塘縣南九十里方慄蔡城塘考畧云

塘南北袤二十餘里共斗門十二其南十一皆屬壽州惟北一斗門屬懷遠由此斗門而北橫關一壩壩北一塘曰女環塘其東堤

亦與蔡城相連約長數里皆懷遠境也女環塘雖有斗門五座久廢其下皆貧民勢難復修惟王家樓五百餘戶近蔡城塘北斗門

得其水利焉乾隆初年壽民有冒木塘鄉保者稟之州云蔡城塘專屬壽州懷民不得越境取水數年互不能決後懷民執府志

乃得共平有溝東達于洛女環塘之北曰九龍岡有水曰高塘澗

亦東通洛而余家沖尹家沖水小亦入洛洛河鎮者西南一大聚

落也在櫛澗東虞耕山泉之北流者曰龍王溝曰櫛澗一名經家澗

水名大澗澗曰柴澗在洛河鎮東皆達于淮而倪家湖南湖又各馬方家湖

其淮也壽春塘舊志在縣西南七十五里柳灘舖南按今澗史陂塘舊志在縣西七十五里其別

澗也諸水皆能溉田獲長利是故淮南之田宜稔者半宜黍者半

今山泉之流注諸塘可引而取者自若也澤澗為藪水利弛矣然

淮水盛漲更四時不衰彌望數十里可挹而注法宜治龍尾車以

引淮水然用水車必先理水道理水道必穿民田穿民田必計田

而償以值取於官則不給取於民則利未興或以為病已矣淮西

北諸田皆沃壤也然無官塘多湖蕩洲渚雜種穀麥霖雨則水漲

而四溢沒平疇旱暵則溝澮皆涸無所取灌漑肥澥清溝之間為

尤甚其弊在不濬溝洫而使之通則潴水寫水俱不得其宜故水旱交病淮西之水洱最在南黑河東南會之而淮爲大澤曰澹湖俗名湯魚湖周二三十餘里其西南七里屬鳳臺入淮水經注淮水左迤爲涇湖按洱黑二涇湖其涇湖舊自楊絮溝東南六甲入尹家溝注淮永平岡者澹湖之洲渚也諸水之南歸黑者則有新溝由湯家集南東流至當臨溝南東南流至朱疇南之張家溝由岡廟南南流至胡其北入欠者則有瀾漢溝南受平阿山諸水東南受當柳溝由四古堆官溝山岡廟北流臨溝北水至大古堆北入之人東入淮者則有大潑村溝由大潑村東入淮隔溝受柴家溝茆塘湖之水其間則有平阿湖俗名常家湖在平阿山東北蘆塘湖在彭茆塘湖在招軍滿金池在孔岡惟蘆塘湖南合當臨溝餘皆北入欠今涸矣欠溝之間諸水之南歸欠者則有金溝縣西九十里殷家庄南東南流至西興集

懷遠縣志

卷八

水利志

合團頭王家溝出張家湖由大聖寺東大聖寺溝由大聖寺東東林溝由蓮花寺東馬前溝出馬場湖南行欠南之萬福集欠北之南興集懷遠鳳臺分界之所也其地宜秔其民編秫席爲業渦南之聚落何家溜爲大其民恒業編草冠諸溝之北入渦者何家溜以西則有陳家溝蒙城宜城許家溝對界朱家溝界溝集鈕家溝寨頭舖干溝孟家溝對湯家高家溝對新楊家溝對黃江家溝褚家溝對陳朱家溝何家溜而鈔家湖段家湖邵家大湖縣西九里褚家湖縣西七里韓家湖縣西七里湮得湖一名烟墩湖趙漫子湖縣西六里皆淤無水可稼穡邵家湖最下宜稻餘皆種秔黍而已其東則有殷家溝東毛家溝水出勞家窪縣羅家溝水出張家溝吳家溝老河灣縣西十里柳升塘入蕭家溝蕭家溝入湖

縣西四里由龜而牢家窪縣西四里傅家湖縣西五里馬家湖縣西八里

山西麓水皆畧可畜水他如成旺湖縣西二十里場河支子湖窪子營

而巳黃河屢決入淮清口又迫于黃上流恆緩歲歲漲甚則逆入

荆山陽之大澗俗名老河口由欠河南循荆山之西而下合蕭家溝而

入渦災及數十里故荆山西南麓有石羊壩當大澗之上源今廢

矣縣西北居民願修之以障淮水良善然猝遇大漲灌欠河而北

溢壩亦無足恃也縣治依荆山之左白龜泉在東南麓下至大聖

寺會東南麓水入淮其北則碧溪澗在縣南一里東流入淮四眼井在

其南其北則濯玉澗東流至金水橋合碧溪入淮而鳳泉池在山

北巖蚌泉在山北麓下蓮花池者即濯玉澗下流舊志云歲入漚

懷遠縣志

卷八

水利志

年御史楊贍委知縣商承學濬之俾復故道命古河後宰妄導入渦致冲決道路公私病之萬歷十年知縣鄭際可復導池

水東入淮國朝雍正二年知縣唐順復加修濬下諸澗泉池井

皆清冽可汲飲助游觀其為挹注微矣渦肥之間諸聚落龍亢為

大其民亦多業編草冠諸溝之南入渦者龍亢以西則有界溝縣

九十里由徐家莊南流入之湯家大溝由龍亢西北七里新溝龍亢其東則有

黃家溝龍亢東五里帖家溝龍亢南流入之王家溝帖家溝東一里陳

家溝縣西五十八里施家溝縣西五十六里褚家溝縣西五十五里秃尾溝縣西

里宮家溝縣西十七里巨家溝縣西十六里甯家溝縣西十五里湯家溝縣西十八里

張家溝縣西二十里沙溝今淤志縣西北十五里黃家溝在

頭而抄河者自蒙城入境貫黃家窪而至龍亢西北北受葉家湖

莫家湖許家湖諸水南會湯家大溝東過龍亢東北南會黃家溝

又東北合何家溝入淝其東帖家湖燕家湖團湖九里湖皆故抄河道今盡涸施耕種惟團湖有水東行爲楊家窪經故縣村北又東北爲官家溝以入渦故縣村居民多業編柳肆爲筐筥其東二十里爲龍窩集又東爲沙溝村其民則皆業編竹篾爲器其北有九鯉湖可潴水湖水通張家溝入渦又東二十餘里爲馬頭集一聚落也又東爲岫河口渦口也諸溝之北入肥者則有項家溝自城入之境東田家溝自尤家湖東胡家溝在魏家渡西一里南入之田溝魏家渡東何家溝在鄧家渡南自西南轉正西至龍亢後蕭家家溝在中南海東東南三官溝在二官廟香家溝西南受諸窪水東流故廣多洲渚何家溝以西曰龍王灘又西曰烏雲寺皆大洲也何家溝東十里曰中南海又東曰錢家灘灘南爲老河今龍王灘

烏雲寺中南海皆多產蘆葦可織蓆民業資焉又東三十餘里曰四方湖周三十餘里水大至則爲巨浸又東爲蘇家集亦一聚落也道通宿州有逆旅舍凡販牛馬驢豕猪者集焉諸溝之南入肥者則有馬家溝縣西北百顧家溝縣西北百二十里自丁家溝各一朱家溝自宿州祝家橋入境南陳家溝一名邢家溝出宿州楊溝出呂家湖會清溝後南無量溝一名季家溝清溝自關嶺北唐溝清溝分流南行丁家溝今淤小石澗溝自縣西北七十里陳家穿清溝入大石澗大石澗溝自縣西北六十五里錢家橋北五姓里斜溝清溝自包家集南分沙溝出大廟湖石羊溝長入郎溝自流南行至潘家橋穿清溝自漢溝以東至石羊溝皆北分清溝之水南達于肥自是而東益與清溝近又四十餘里而清溝入肥其

聞胡家口梅家橋地皆宜麻而民多織葦席爲業又自蚌埠縣東三十

里西十八里至拖城村縣東北十五里又西北十四里至胡家口縣東北二十二

里又北十五里至張家店縣東北七十五里又東十五里至曹老集縣東北四

野周七十餘里南距淮北跨肥清溝皆腴壤也肥河入淮之所曰

沫河口今淤矣肥源故廣下流無所歸渟蓄而不得去每夏秋水

漲七十餘里如大澤焉而沫河口爲鳳陽境欲疏濬而末由也而

岫河口東至蚌埠里民新築長堤以捍淮凡廿五里其功甫成冀

得小安焉肥北諸溝清溝最大源出宿州之龍山湖東南流至縣

境之呂家湖溝形始見又東行至年家橋北會十湖之水十湖者

年家湖姚家湖陳家湖胡家湖滕家湖常家湖房家湖梅家湖及

宿州之廖家湖韓家湖也宿州境又有張家湖在韓家湖南年家

懷遠縣志

卷八

水利志

湖四亦入之舊志有姚梅房胡陳五家湖并白蓮湖趙四保湖今失其處十湖

今漸淤無水其最下處可爲水田藝秔稻而已清溝之南無量溝

之東有姚家湖南流爲小溝入無量溝有常家湖滕家湖北合清

溝唐溝之東有白蓮湖水合小石澗溝而漢溝之西有崔成湖大

石澗溝之東有駱家湖其南有蘇家湖東北有艾家湖斜溝之東

有鄭家湖沙溝之西有大廟湖則皆耕種爲平地焉清溝東行貫

小石澗大石澗石羊溝至石橋溝始廣舊產菰蒲蘆茨菱藕甚繁

貧民依以爲食今無矣石橋西北一里之張八營及蘆溝北之火

星廟貧民至治貫錢麻縷爲業諸溝之南入清溝者則有鴨溝入天

堰天堰溝自火星廟北六里分水入之凡十五里大溝分蘆溝水南行蓼干溝入蘆

溝水南行至蒲家莊分爲三南爲蒲家溝入清溝東有黃木溝大清

溝分蘆溝水自管家莊東南行黃木溝行會楊家湖南小溝又南

會大清溝又東南汪家溝分蘆溝水自蘆溝集東南南行小蘆

溝自蔣家莊東流六里入界溝界溝自靈壁王家橋西南行至王家巷南

入其分肥水東北入清溝者則有袁家溝而大清溝東有楊家湖

黃木溝西有高家湖又大溝東法鐘寺南均有湖頗平淺雖有水

亦不能蓄也石橋以西淤塞特甚明萬曆三十三年知縣王存敬

濬之

國朝乾隆初知縣孔傳樞又濬之後二十餘年知縣吳芳猷又濬

之未竟又十餘年知縣余模又濬之年久今淤塞如故蘆溝澥河

之間地稍高水患亦減諸溝之北入澥者則有呂溝自宿州朱家

陳家樓北入境東行至西廖溝自薛家湖北東廖溝自魏塘湖北北

懷遠縣志

卷八

水利志

八

大溝自梅家湖北流長入郎溝自梅家湖東流七里南分爲石羊

北行三青龍溝自北大溝東北流七里至臨溝自蘆溝北分水

蓮池菴前東北柳草溝分蘆溝水東北行十里界溝分蘆溝水自草

里至宋家橋入之而諸湖如薛家湖鶯塘湖梅家湖遇雨亦差可渟蓄而

澥南之陳家集亦一聚落也其民業販牲畜亦畧如蘇家集焉澥

南則張家廟寨頭肥南則尤家湖澥南則陳家集高莊何家集民

婦女事紡織亦藝木棉特苦少而蠶事則惟呂家淺縣西三及雙

溝集縣西五里有之然北土未嘗不盡宜桑柘也林晉奎蠶織說畧云欲民之厚生必

先有恒業懷遠水患頻仍十室空九而窮簷之民謀生之計百出

長淮肥澗之產民業寄焉水濱蒲蘆可織席夾岸細柳可編筐筐

地宜麻者可索綱其婦女或葺麥階爲笠豈盡游惰哉顧不蠶織與不稼穡等今吾懷之民僉曰皆欲蠶而乏桑皆欲織而無木棉奈向夫河北白壤與桑宜河東赤泥與木棉宜用權種桑及種木棉之法皆可按籍而得或就江浙老艾而諮之良法俱在况吾邑

風土頗近齊豫而蠶織之利不僅江浙齊豫所出棉繭七緇之屬
通大商賈大布白氈之美尤彰彰者豈吾懷獨不能如齊豫哉
相講習以盡地利以廣民業亦此時之急務也明史河渠志永樂十四年河決開封州縣
十四經懷遠由渦河入淮宏治二年河決開封白昂言河水南決
者目中牟楊橋至祥符界析爲二支一經尉氏等縣合潁水下塗
山入淮一經通許等縣入渦河下荆山入淮又一支自歸德州通
鳳陽亳州亦合渦河入淮今潁渦二水入淮者各有灘磧水脈頗
緩宜疎濬以殺河勢嘉靖七年胡世甯言河自汴以來南分二道
一出汴城西滎澤經中牟陳潁至壽州入淮一出汴城東祥符經
陳留亳州至懷遠入淮今諸道皆塞宜濬孫家渡抵壽州以殺上
流二十年五月命王以旂總理河道先一歲黃河南徙決野鷄岡
由渦河經亳州入淮舊決口俱塞鳳陽沿淮州縣多水患乃議徙

五河蒙城避之萬曆四十四年河決開封陶家店張家灣由會城
大堤下陳留入亳州渦河蓋終明之世河之分流入渦者不絕今
雖已堵閉亦時有決溢而淮水以敵黃之故蓄之高堰者日高則
淮水之出不暢而濱淮之地常苦潦夫講溝洫於懷遠淮以南當
興其利淮以北當除其害利莫大於郭陂諸塘今之所以廢者龍
王壩之不築也塘下諸溝之不開也築之開之則利興矣其餘傍
山之處不患無水如盤塘女環塘之類各循舊制而修復之則利
興矣又其餘如馬廠湖孔册湖之類亦仿諸塘之制而爲之度其
地形堤者堤濬者濬則利無不興矣而久而莫之議者工役畚揭
之需縣官無以給之一也蕪廢日久人民或侵佔狂于目前莫爲長
慮二也水旱頻仍不暇兼顧三也害莫甚於沫河口水漲則倒灌

爲害水落則停滯爲害害及田稼且害及廬舍始也或間歲一被其害今則無歲不被其害田廬如浮漚棲苴流離昏墊十室而九今欲除倒灌之害宜於防而沫河口縱橫散漫不可得而防也卽防之矣而當盛漲之時淮且逆渦而濯肥仍不得而盡防也除停滯之害宜於疏導而疏導之法必下流暢遂勢如建瓴沫河下流淮爲歸墟今洪澤淤墊淮水亦鬱當其消落之時其卑於沫河口僅以尺計耳導之而不行也且恐其口門通暢而倒灌之害益甚也貞震靈璧縣志曰淮水之在靈璧南境者西自懷遠縣交界之蚌埠集東至鳳陽縣交界之西門渡中間二十餘里每歲夏秋水發濱淮之地悉成浸深且逾丈此非溝渠所能宣洩隄堰所能捍禦也所以然者淮水發源桐柏挾七十二道山溪之水按七十一二道山河下

懷遠縣志

卷八

水利志

十

鎮陽此壽州人口語專指淮河之水自六安山澗下入淮者俗謂溱河爲山河也若淮自桐柏而下所納眾流豈止七十二道而已

東趨入海唐宋以前漲溢爲患史不絕書宋以後黃河南徙合淮或出潁至壽春入或由渦至懷遠入其後專奪泗由徐邳至清河距海三百里淮水之尾閘強半爲河所占淮漲則扼于黃而不得暢流淮則黃且乘其虛而倒灌治河者慮黃之倒灌而又欲借淮之消以刷黃之濁也則束以清鄆口以高堰且於徐邳黃河南岸多設閘壩以分黃助淮由是而洪澤滿泗州沈臨淮沒下愈壅則上愈潰必至之勢也靈璧南鄉數十里靈璧之南鄉卽懷遠北鄉也安得不常爲沼乎又曰肥河洩宿州龍山湖及懷靈兩境窪地之水南入於淮年久淤塞不能暢流以至汎溢固已然他處溝渠宜疏而此獨否何也從前淮水不似近年之大故內水得出今則黃水逼於清

口之外高堰鄣於洪澤之東睢湖諸水又改從歸仁而出淮之太
十倍於前夏秋水發內水未來而淮之倒灌者已先至八埕集周
迴數十里水深逾丈居民村落無異波上浮鷗若肥河再濬深通
則淮水倒灌更易此不可不慮也貢氏所言與今日事勢若符節
矣貢氏書成於乾隆二十三年而其言如此况閱今又六十年耶
是以縣之患水者且不第北肥而已凡天河洛河欠河當淮水長
時無一不瀾漫四溢也卽懷遠以上之壽州鳳臺凡濱淮之地其
瀾漫無不相似也民生日耗維正莫供蠲緩之今日下賑貸之請
歲告長吏蒿目束手亦何以爲心哉

嘉慶二十三年十二月懷遠縣知縣孫讓具稟曰竊照懷遠
依淮爲縣境內諸水皆入於淮淮治則水患悉除淮不治則

水之入淮者淮不能受遂汎濫而爲患淮爲四瀆之一力能
容納百川自注於海而其患至於洪澤滿泗州沈臨淮沒而
莫有治淮之策者以黃河南徙與淮爲敵也治黃者藉黃以
濟漕且藉淮以刷黃於是高堰不已多爲閘壩以束之淮之
下游不能暢遂則上游濱淮州縣之水無所歸而淮不可得
而治矣歷稽在歲自夏徂秋淮水長多消少自霜降以及冬
盡日就消落水之入淮者或時高出於淮方得相機宜議疏
濬焉邑境諸水現在情形渦河最恬靜先患淮水倒漾淮漸
歸槽無需人力洛河審河欠河被淹處所尙與淮平疏淮須
俟淮水消退以後其卽今可以施功者惟天河入淮處之禹
村溝肥河入淮處之沫河口天河斜長四十餘里漫淹處積

水寬一二里至三四里不等水深四五尺其入淮故道舊由葫蘆繫經黃水淤塞矣今春積夫挑挖乾淤未盡夫已不能容足而止而禹村岡北天河南岸有水溝月前尙作涓涓細流於該處斂壩挑引河一道長不過四里許已接天河抵淮引河成俟淮水消落啟壩以洩天河之水仍於口門築壩以防淮長倒灌趕緊辦理縱二麥無及尙可布種秋糧其經費天河兩岸居民中下之戶有丁壯者出夫中戶以上按照地畝出錢以錢給夫食及購料斂壩等用擇鄉人之有才具者理其事不經胥役之手不出三月可以集事北肥水入縣境行一百三十里最爲綿遠其源出宿州之龍山湖入淮在鳳陽縣之沫河口本年源頭來水不甚大居民於沫河口內築

壩一道淮長未至倒灌而自懷遠之大三岔以下至沫河口五六十里之間迄今一望瀰漫者以淤塞處人力不能挑挖故也查沫河口外水深一丈八尺口內半里許有土壩一道壩內之水高於外一尺自沫河口至朱家臺二里許水勢順遂自朱家臺至蔣家岡三里許水深一二尺淤深四五尺自蔣家岡至陳家橋長九里寬二三里至七八里不等水深二三尺淤深五六尺自陳家橋至靈璧縣之八埕集十五里寬二三里至八九里不等水深三四尺淤深四五尺自八埕集至懷遠之大三岔長二十里寬二三里水深五六尺淤深二三尺按以上各處水面寬窄不一而肥河原身寬不過十餘丈外盡民田鳳陽陶令曾在朱家臺集夫挑挖乾淤未盡

已不能容足而止情形正與天河之葫蘆繫相類是處人力
既不能挑挖而又無從改道以入淮龍亢主簿屠慕曾商陳
蓄水刷淤之法沫河口內土壩此時堅築堵閉而於蔣家岡
陳家橋兩處各築一攔河壩留金門以起溜雇集人大船隻
於船尾曳揚泥車船之兩傍人執伐泥器具在肥河原身內
往來梭織務使乾淤活動與稀淤攪成一片俟淮水較所蓄
之水低至五六尺然後口內之壩與蔣家岡所築之壩同時
並啟人夫船隻乘建瓴之勢以排淤無難通者再於八埭集
大三岔上下各築壩一道如前法便可一律深通屠主簿係
河員出身其言似合事宜大人察其言如以爲可用卽飭該
主簿董其成而工役畚揭之需則各處守土是問事亦可成

惟是購員工料打造伐泥器具及雇集人夫船隻等費約須
五千金又須銀錢湊手於一月以前預爲籌畫而沫河口以
內五六十里之間自十八年至今六載不收其民辛苦墊隘
難與謀遠非請

帑不爲功合併陳明二十四年五月兩江總督孫玉庭具奏曰
奏爲鳳陽懷遠二縣河道年久淤塞請動生息銀款挑挖深通
以利田疇而資宣洩恭摺奏祈

聖鑒事竊照安徽省鳳陽縣沫河係洩淝河之水又懷遠縣天河葫
蘆繫係洩東南諸山之水匯歸淮河遞達洪湖該二河年久
沙停淤塞不通每遇山水長發散漫無歸淹及民田秋成失
望前據該二縣以各該處農業人等屢額勘估興挑以資利

導稟請及時趕辦飭據鳳陽府知府倪思淳督同確勘實在河身淤墊幾成平陸必須挑挖深通俾上游來水暢注流行滙達洪湖底免漫溢爲患擗節估計鳳陽縣應挑河道需用土方工費銀七千五百五十二兩六錢一分五釐懷遠縣應挑河道需用土方工費銀三千四百六兩四錢七分五釐請於本省水利工程典息銀內發項趕挑造具冊結由該管廬鳳道惠顯核勘無浮加結移司經安徽布政使嵩孚覆加查核實係亟應挑辦之工現在收貯工程典息銀兩原資疏導水利之需所估工費應請卽於此款動用因民瘼攸關必須及時趕辦已先酌發銀兩飭令上緊興挑等情詳請具

奏前來臣等伏查鳳陽縣沫河懷遠縣天河葫蘆繫向承淝河

及東南諸川之水滙准入湖年久淤塞必須挑濬深通俾河流順軌漫溢無虞附近農田歲獲有秋於水利民生大有裨益所有估需土方工費銀兩節經該司道府核勘無浮應如所請卽於水利工程典息銀內動用事竣覈實造銷該司因工程緊要先已酌發銀兩領辦除飭趕緊挑濬務期一律深通俟工竣報委驗收不使稍有草率虛冒并將勘估冊結照例另詳

題報外臣等謹合詞恭摺具

奏伏乞

皇上睿鑒謹

奏